



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. III. Rejicitur hæc potentia obedientialis, & illam totu[m] ordinem gratiæ destruere, demonstratur

[urn:nbn:de:hbz:466:1-77132](https://nbn-resolving.de/urn:nbn:de:hbz:466:1-77132)

venit, ut sic loquar, ex excessu intensivo esse-
tus; unde per multiplicationem virtutis, aut
concurrus eiusdem speciei, sit perfecta propor-
tio: At vero impropositio quæ est inter intellec-
tum & visionem beatam, non provenit ex ex-
cessu velut intensivo, sed ex eo quod visio bea-
ta sit operatio ordinis altioris, & divini: Ergo
non potest reddi potens ad illam, per solum
concurrsum simultaneum.

Hæc ratio illustrari & confirmari potest
egregio discursu quem habet D. Thomas 3.
contra Gent. cap. 53. ubi hæc scribit: *Nihil potest
ad altiore operationem elevari, nisi per hoc quod
eius virtus fortificatur. Contingit autem dupliciter
alicuius virtutem fortificari: uno modo per simplicem
ipsius virtutis intensiōnem, sicut virtus activa calidi
augetur per intensiōnem caloris, ut posse efficere ve-
lementiōrem actionem in eadem specie: alio modo per
novā formā appositionem, sicut diaphani virtus aug-
etur ad hoc ut posse illuminare, per hoc quod sit luci-
dum actū per formā lucis receptam in ipso de novo;
& hoc quidem virtutis augmentum requiritur ad alterius speciei operationem consequendam: virtus au-
tem intellectus creāti naturalis, non sufficit ad divi-
nam substaniā vidēndam: Ergo oportet quod au-
geatur ei virtus ad hoc, quod ad talēm visionem per-
veniat: non sufficit autem augmentum per intensiō-
nem naturalē virtutis, quia tali visu non est ejus-
dem rationis. Cum visione naturalis intellectus creāti,
quod ex diff. in virtutis intellettive, per alicuius no-
dispositionis adēptionem. Quibus verbis S. Do-
ctor & nostram sententiam illustrat, & Adver-
sarius fundamentum exercit: docet enim
quod potentia creāta, non potest fieri potens &
proportionata ad operationem altioris ordinis
eliciendam, nisi per novā formā appositionem:
ex quo, infert intellectum creatum non posse
elevari ad visionem beatificam, sine lumine gloria.*

Dices secundò cum Suare: In singulis rebus
creatis dāri virtutem partialem & incomple-
tam, ad attīgēndos actus supernaturales: scī-
cer potentiā obediētialem proximē acti-
vam, ratione cuius possunt immediate coope-
rari Deo, ad producendos actus supernaturales.
Unde sicut homo qui habet virtutem partialem &
incompletam ad trahendam navim, ut fiat
completè potens, indiget solum confortio, &
concurrus humilanteo alterius: ita etiam intellectus
creatus, ut fiat completè potens ad viden-
dum Deum, non eger aliquā virtute, aut qual-
itate supernaturali eum elevante, sed tantum
concurrus simultaneo Dei, & speciali ejus assi-
stentiā.

Verūm hæc responsio & doctrina Suaris, aper-
te repugnat Divo Thoma 3. cont. Gent. cap. 70.
dicenti: *Non sic idem effectus causa naturali & divi-
nae virtuti tribuitur, quia parum à Deo & partim à
naturali agente sunt; sed totus ab utroque secundum
alium modum: sicut idem effectus totus attribuitur
instrumento, & principali agenti etiam totus.* Præ-
terea ejus fallitas & absurditas constabit ex di-
cordis §. sequenti.

§ III.

*Rejicitur hæc potentia obediētiale, & illam totum
ordinem gratie destruere demonstratur.*

Dico tertio: Potentia obediētiale proximē
& immediate activa effectus supernatu-

A ralium, & singulis rebus creatis à natura conge-
nita, chimérica est, & totum ordinem gratie
destruit.

Probatur primò ex D. Thoma in questioni-
bus disputatis, quest. unicā de virtutibus in
communi, art. 10. ad 2. ubi sic ait: *Respectu eorum
qua facultatem naturae non excedunt, habet homo à
natura, non solum principia receptiva, sed etiam
principia activa: respectu autem eorum qua facultate
natura excedunt, habet homo à natura aptitudinem
ad recipiendum: Atque aptitudine adreci-
piendum non est potentia activa, sed passiva:* Ergo ex D. Thoma non datur in creaturis poten-
tia obediētiale activa, respectu actuum su-
pernaturalium, à natura indita, sed passiva tan-
tum, & receptiva formarum supernaturalium,
quibus mediantibus possint actus supernatura-
les elicere.

Item 1.2. quest. 109. art. 1. sic ait: *Vnaqueque
forma indita rebus creatis à Deo, habet efficiaciam re-
spectu alicuius actus determinati, in quem potest se-
cundum suam proprietatem; ultiro autem non potest,
nisi per aliquam formam superadditam: At hoc es-
set falsum, si in rebus creatis daretur potentia
obediētiale immēdiatē productiva actuum su-
pernaturalium; nam homo ratione illius, sine
superadditione alicuius novæ formæ supernatura-
lis, actus supernaturales posset elicere: Er-
go &c.*

Præterea idem S. Doctor 3. parte quest. 62.
art. 4. quest. 27. de verit. art. 4. & pluribus aliis
in locis, docet in Sacramentis novæ legis resili-
dere virtutem intrinsecam ad producendam
gratiam; quam virtutem dicit esse spiritualem,
incompletam, fluentem, & transiuntem, ac re-
ductive pertinere ad prædicamentum qualitatis
in quo ponitur gratia sanctificans: Si autem in
Sacramentis novæ legis daretur potentia obediētiale
gratia productiva, utilis esset hæc
virtus spiritualis transiens & fluens, ut constat;
Unde Suarez, & alii qui talem potentiam ad-
mittunt, illam virtutem rejiciunt: Igitur ma-
nifestum est, Divum Thomam talem poten-
tiam obediētiale in rebus creatis non agno-
scere.

Probatur secundò conclusio, & demonstra-
tur hanc potentiam obediētiale contradi-
ctionem involvere, similque esse entitativę na-
turalem, & supernaturalem. In primis enim
quod sit entitativę naturalis, evidens est: ut enim
docent ejus defensores, illa est singulis rebus
creatis à natura congenita. Quod etiam sit enti-
tativę supernaturalis, probatur: quia cum omni-
nis potentia specificetur ab actu ad quem ordi-
natur, & sit ejusdem ordinis cum illo; potentia
immediate productiva actuum supernatura-
lium non potest non esse supernaturalis.

Neque dici potest, illam esse entitativę na-
turalem, & supernaturalem formaliter & in ra-
tione potentia: quod enim secundum suam en-
titatem non attingit ordinem supernaturalem,
non potest illum attingere secundum suam acti-
vitatem; quia activitas seu potentia agendi,
consequitur ad entitatem & substantiam rei, &
est veluti proprietas ex illa resultans, ac proin-
de debet illi commenfurari & proportionari,
unde communiter dicunt Philosophi quod
operari sequitur esse: Ergo si potentia obediē-
tiale sit naturalis, quantum ad substantiam &
entitatem & erit etiam naturalis, quantum ad
activitatem, & in ratione potentia.

Præterea talis potentia est simul finita & infinita: finita quidem, utpote identificata cum entitate cuiuslibet rei creatæ, quæ finita est: infinita vero, quia est perducentia cuiuscunq[ue] rei producibilis, quæ est infinita, saltem in potentia; nam dato quo cumque effectu produsto, potest perfector, & perfectio in infinitum produci.

³¹ Probatur tertio conclusio & magis impugnatur hac potentia obedientialis, ex pluribus absurdis, & inconvenientibus que ex illa sequuntur. In primis enim si detur in natura vis quædam initialis, immediate productiva effectuum supernaturalium, sequitur quod in natura datur initia gratiæ, & semina quedam rerum supernaturalium: quod est error Cassiani, & aliorum Semipelagianorum, ut videri potest in collectione 13. Abbatis Cheremonis.

Secundo, Si detur hæc potentia obedientialis, fructu ponuntur in homine habitus supernaturales infusi, ad elicendæ actus fidei, spei, & charitatis. Fructu ponuntur in Sacerdote character ad consecrandum Corpus Christi, vel ad absolvendum à peccatis. Inutile etiam erit lumen gloriæ in beatis ad videndum Deum: Sed hæc omnia sunt absurdia, ut constat: Ergo &c. Sequela probatur; fructu sit per plura quod potest fieri per pauciora: Sed per solam potentiam obedientiale, & concursum Dei supernaturalis, homo potest hæc omnia præstare, & illos actus elicere, ut docent Adversarij: Ergo supernaturali erit ponere in iustis habitus infusi, characterem in Sacerdote, & lumen gloriæ in Beatis.

Neque dici potest, hæc requiri ad actus illos connaturaliter elicendos; cum enim hæc potentia obedientialis sit intrinseca cuilibet rei naturali, in & illi naturaliter congebita, ut dicunt Adversarij: supposito quod illa detur, homo magis connaturaliter, illâ mediante elicetur actus supernaturales, quam mediantibus formis, & habitibus ordinis supernaturalis à Deo infusi, & illi superadditi.

Tertio, Illa potentia obedientialis tollit necessitatem gratia sufficiens, & multum favet Jansemio, & ejus sectatoribus: gratia enim sufficiens solum admittitur à Theologo, ut reddat voluntatem proximè & completem potenter ad elicendos actus supernaturales, pro eo tempore & loco quo tenetur observare præcepta supernaturalia: Si ergo per solam potentiam obedientiale, & concursum simultaneum, possit voluntas reddi proximè & completem potens ad illos elicendos, quare opus erit gratiæ sufficiente, & auxilio transeuntes?

Quarto, In Concilio Tridentino sess. 6, can. 3. definitur hominem indigere gratiæ præveniente in ordine ad actus supernaturales: At si homo habeat virtutem agendi proximam, & producivam actum supernaturalium, non est cur talis gratia præveniens desideretur in potentis explicitis eorum, sufficiet enim sola gratia concoquans, seu concursus simultaneus ordinis supernaturalis, qui talem virtutem, & potentiam compleat: Ergo hæc potentia obedientialis, cum necessitate gratia prævenientis, & cum definitione Tridentini cohædere nequit.

Denique, Per hanc potentiam obedientiam distruxit etiam gratia coefficientia: illa enim non potest esse gratia, si alicui potentia prævenit naturali sit connaturaliter debita; de-

A ratione enim gratiæ est quod gratis detur, & si neullo debito: Atqui gratia illa coefficientia, seu concursus simultaneus ordinis supernaturalis, erit connaturaliter debitus tali potentia obedientiali, quæ, ut docent Adversarij, est naturalis entitative, & quantum ad substantiam: Ergo non poterit dici gratia. Major patet, Minor probatur. Omni virtuti activæ, quæ connaturaliter & ab intrinseco ineft alicui rei, titulus connaturalitatis debetur concursus proportionatus actui quem respicit: verbi gratiæ virtuti illuminativæ Solis, & calificativæ ignis, concursus ad illuminandum & calefaciendum: unde quando Deus illum denegavit igni, ad comburendum tres pueros in forna Babylonica existentes, talis denegatio fuit miraculosa, & præter cursum, & leges ordinarias divinæ providentia: Sed actus quem respicit, & ad quem ordinatur potentia obedientialis, est supernaturalis; cum juxta Adversarios, illa sit immediatæ, & proxime productiva actuum, & effectuum suis supernaturalium: Ergo illi connaturaliter debetur gratia coefficientia, & concursus supernaturalis ad actus supernaturales elicendos. Ex quibus constat, hanc potentiam obedientiale, totum ordinem gratiæ destruere, & virus erroris Pelagiani aliquo modo continere.

S. III.

Respondetur argumentis Adversiorum.

Obijices primò: D. Thomas in 4. dist. 49. ³² quæst. 2. art. 7. sic ait: Poteſt miraculoſe fieri, quod divina virtute, aliquis intellectus creatus non habens nisi dispositiones viæ, elevetur ad videndum Deum per essentiam: Ergo cum lumen gloriæ non pertineat ad dispositiones viæ, sed patriæ, potest sine illo intellectus creatus elevari ad videndum Deum.

Respondeo. D. Thomam solum intendere, quod intellectus creatus potest elevari ad videndum Deum, per lumen gloriæ, per modum auxilii, & dispositionis transiuntis communicatum; illud enim non ponit hominem extra statum viæ, ut patet in Moyse, & D. Paulo. Unde idem S. Doctor 2.2. quæst. 175. art. 3. ad 2. docet, quod lumen gloriæ duplíciter participari potest: Vno modo per modum formæ permanentis, & sic Beatos facit sanctos in patria: alio modo per modum cuiusdam passionis transiuntis (sicut dictum est de lumine Prophetæ) & hoc modo illud fuit in Paulo, quando raptus fuit. Ex quo intelliges alium locum ejusdem S. Doctoris, quæst. 10. de veritate. art. 1. sic dicentes: Sicut Petrum fecit Deus, sine eo quod et docet agilitatis tribuerit, super aquas ambulare; ita potest mentem ad hoc perducere, ut divine essentie unitatur in statu viæ, modo illo quo sibi unitur in patria, sine hoc quod à lumine gloriæ perfundatur. Ibi enim loquitur de lumine gloriæ, per modum habitus communicato, sine quo homo in statu viæ constitutus, potest reddi potens ad videndum Deum, per lumen gloriæ datum per modum auxilii, & dispositionis transiuntis.

Objiciunt secundò Adversarii, ad probandum dari in rebus creatis potentiam obedientiale, proximè & immediatæ activam, & productivam actum supernaturalium, plures authoritates Scripturaræ, & Sanctorum Patrum, in quibus dicitur, omnes creature esse Deo subjectas, illi-